

USPJEŠNA PRIČA

DELEGACIJA EVROPSKE UNIJE
U BOSNI I HERCEGOVINI



Ukupno 12.441.834 mamaca je izbačeno tokom programa

Uz pomoć EU, BiH od 2015. godine bez slučajeva bjesnila

Bjesnilo je virusna bolest centralnog nervnog sistema životinja i ljudi. Prije svega, to je bolest divljih i domaćih životinja koja se prenosi na ljude direktnim kontaktom sa zaraženim životnjama (obično ugrizom). Prema podacima Svjetske zdravstvene organizacije (SZO), više od 55.000 ljudi zaraženih bjesnilom izgubi život godišnje širom svijeta.

Epidemiološka analiza je potvrdila da populacija lisica djeluje kao prirodnji rezervoar bjesnila u Bosni i Hercegovini, i na taj način predstavlja stalnu opasnost od zaraze virusom kod ljudi, bilo direktno ili preko domaćih mesojeda. Uz redovne kontrole i mjere za iskorjenjivanje bjesnila kod kućnih ljubimaca (obavezna vakcinacija protiv bjesnila kod pasa, i preporučena kod mačaka), s ciljem kontrole i iskorjenjivanja bjesnila kod divljih životinja, EU je podržala Kancelariju za veterinarstvo BiH u uvođenju oralne vakcinacije lisica protiv bjesnila (engl. Oral Rabies Vaccination - ORV) u jesen 2011. godine.

Andrea Vera, šef Odjela operacija za ekonomski razvoj, prirodne resurse, infrastrukturu u Delegaciji EU u BiH istakao je da „bolesti životinja ne poznaju granice. EU tretira cijelu regiju kao jedinstveno epidemiološko područje, koje čine naši najbliži susjedi, i nadamo se, uskoro, naše članice, zemlje korisnice IPA

Nije zabilježen niti jedan slučaj bjesnila kod lisica testiranih u sklopu postvakcinalnog monitoringa, a višegodišnji rezultati pokazuju da je 70-80% testiranih lisica konzumiralo mamce u prirodi, jednom ili više puta, dok je 50-75% lisica imunizovano.

Ovaj rezultat pokazuje veliki stepen imunizacije lisica na cijelom području Bosne i Hercegovine, što je dovelo do smanjenja prirodnog cirkulisanja virusa bjesnila u populaciji lisica, koja se u Bosni i Hercegovini smatra prirodnim rezervoarom bjesnila.

programa, kada postanu dio EU porodice. Sigurno i zdravo okruženje za ljudi i životinje jedan je od ključnih prioriteta naše politike. Drago nam je da su naše investicije doprinijele poboljšanju zdravlja životinja u BiH. Strateške kontrole i bliska saradnja svih aktera i naših partnera u BiH, ali i na cijelom Zapadnom Balkanu, od presudne je važnosti za uspješno održavanje zdravlja ljudi i životinja".



Kampanja u proljeće 2017. godine je 12. i posljednja koju finansira EU

Program kontrole i iskorjenjivanja bjesnila u BiH počeo je 2011. godine i dio je sveobuhvatne inicijative koju finansira EU, a pokriva i druge zemlje korisnice IPA programa na Balkanu. Od tada, provedeno je ukupno 11 kampanja oralne vakcinacije lisica finansiranih sredstvima EU. Najnovija kampanja je okončana u jesen 2016. godine, a naredna je planirana za proljeće 2017. godine. Ukupno je iz IPA fondova izdvojeno oko 8 miliona eura za kampanje vakcinacije i dodatnih milion eura za tehničku podršku koordinaciji programa bolesti životinja u BiH.

Ljubomir Kalaba, direktor Kancelarije za veterinarstvo BiH, institucije koja koordiniše program vakcinacije, naglašava važnost regionalnog pristupa u prevenciji bjesnila.


„Projekat oralne vakcinacije lisica protiv bjesnila počeo je kao regionalni projekt za Zapadni Balkan koji je obuhvatao sve zemlje ove regije. Za Bosnu i Hercegovinu je bitno da su susjedne zemlje, Crna Gora, Hrvatska i Srbija, istovremeno uključene u program, s obzirom na prirodu lisica čije kretanje ne poznaje administrativne granice“ rekao je Kalaba.

Proces vakcinacije distribucijom mamaca sa vakcinom iz zraka dio je strateškog programa kontrole i iskorjenjivanja bolesti životinja, posebno zoonoza, bolesti koje se javljaju kod ljudi i životinja, kao što je bjesnilo. Ovim procesom koordinira i rukovodi Kancelarija za veterinarstvo BiH, u saradnji sa entitetima i nadležnim organima Brčko Distrikta. Oralna vakcinacija divljih životinja predviđa primjenu oralne vakcinacije lisica i drugih divljih zvijeri dva puta godišnje, u jesen i proljeće, u skladu sa evropskim i međunarodnim standardima. Dugoročni cilj programa je kompletno iskorjenjivanje bolesti u Bosni i Hercegovini i održavanje statusa zemlje bez bjesnila.



Oralna vakcinacija je počela u proljeće 2011. godine

Broj slučajeva bjesnila u BiH u 2008. godini iznosio je 83, a nakon 2011. i početka ORV kampanje smanjio se na šest slučajeva u 2012. i samo jedan slučaj u 2014. godini.



„Od početka provedbe oralne vakcinacije lisica protiv bjesnila, 2011. godine, na području cijele Bosne i Hercegovine, broj slučajeva bjesnila je znatno opao, i u posljednje dvije godine nije zabilježen niti jedan pozitivan slučaj na cijelom području Bosne i Hercegovine. Posljednji slučaj bjesnila kod divljih životinja je zabilježen kod jedne lisice u oktobru 2013. godine na području općine Lakaši, dok je posljednji slučaj bjesnila kod domaćih životinja zabilježen kod jednog psa u septembru 2014. godine na području općine Gradačac, što je ujedino i posljednji slučaj bjesnila zabilježen u Bosni i Hercegovini“ rekao je direktor Kalaba.

Osim oralne vakcinacije divljih životinja, program iskorjenjivanja bjesnila u Bosni i Hercegovini uključuje i kontrolu efikasnosti provedene vakcinacije. Analiza rezultata monitoringa nakon vakcinacije i podaci o geografskoj distribuciji vakcina na terenu pokazali su visoku efikasnost vakcinacije.

„Nijedna lisica testirana u sklopu programa monitoringa vakcinacije nije bila pozitivna na bjesnilo, i višegodišnji rezultati pokazuju da je 70-80% testiranih lisica konzumiralo mamac u prirodi jednom ili više puta“, zaključio je direktor Kalaba.

Ono što je preostalo da se uradi je provedba Pravilnika o identifikaciji pasa, što će dodatno proširiti kontrolne grupe pasa širom Bosne i Hercegovine, kao i nastavak pasivne kontrole preko laboratorijskih ispitivanja uginulih ili ubijenih lisica, te onih lisica koje pokazuju neobično ponašanje koje ukazuje na prisustvo bjesnila.



EU je obezbjedila oko 8 miliona eura za vakcinaciju

Fotografije i grafike obezbjedila Kancelarija za veterinarstvo BiH

Delegacija Evropske unije
u Bosni i Hercegovini
Skenderija 3a, 71000 Sarajevo,
Bosna i Hercegovina

T. 00387 33 254 700

F. 00387 33 666 037

Za povratne informacije i komentare
o priči, molimo Vas kontaktirajte
Zoru Stanić iz Tima za komunikacije
putem e-maila:
zora.stanic@eeas.europa.eu